

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

KULTURA ETA KIROL SAILA

137/2025 Foru Agindua, ekainaren 4koa. Arabako Lurralde Historikoan eta Trebiñuko enklabeen museo-jarduerak garatzeko laguntzen 2025ko deialdia onartzea

Arabako Foru Aldundiko Kultura eta Kirol Sailak egokitzen jo du xede horretarako 2025eko ekitaldirako dirulaguntzen deialdia egitea, garatzen ari den jarduera multzoaren barruan eta Arabako Lurralde Historikoan eta Trebiñuko enklabeen kultura-elkarte edo -erakundeek sustatutako museo-ekimenen garapena bultzatzeko.

Bereziki, diruz lagundutako museo-jardueretan genero-ikuspegia txertatzea sustatuko da, emakumeek ondareari eta kulturari egindako ekarpenak agerian uzteko eta estereotipo eta aurreiritzi sexistak gainditzeko laguntzeko.

Aginduzko txostenak aztertu dira.

Horregatik, eta dagozkidan ahalmenak erabiliz,

XEDATZEN DUT

Lehenengoa. Arabako Lurralde Historikoan eta Trebiñuko enklabeen kultura-elkarteek edo -erakundeek sustatutako museo-jarduerak garatzeko 2025eko dirulaguntzen deialdia onartzea, bai eta justifikaziorako eskatutako ereduak ere (ebazpen honen eranskin gisa doaz).

Bigarrena. Deialdi hori honako hauek kontuan hartuta arautzen da: Kultura eta Kirol Sailaren lehia-araubideko dirulaguntzak ematea arautzen duten oinarri orokorrak (Foru Gobernu Kontseiluaren azaroaren 12ko 50/2019 Foru Dekretua, 2019ko azaroaren 20ko 134 zenbakiko ALHAOn argitaratua, martxoaren 2ko 7/2021 Foru Dekretuak aldatua), Arabako Lurralde Historikoko Dirulaguntzei buruzko urriaren 9ko 11/2016 Foru Arauan aurreikusitakoa eta ebazpen honen I. eranskinean ezarritakoa.

Hirugarrena. Foru Agindu honen bidez araututako laguntzak 70102. G/333700/48100723 «Museo-elkarteentzako dirulaguntzak» aurrekontu-partidaren kargura ordainduko dira, 10.000,00 euroko gehieneko zenbatekoarekin.

Laugarrena. Organo eskudunak, Museo eta Arkeologia Zerbitzuak proposatuta, dagokion ebazpena emango du, deialdia ALHAOn argitaratu eta gehienez ere lau hilabeteko epean. Gehieneko epea igaro eta ebazpen espresurik eman ez bada, eskaera ezetsi egin dela ulertu beharko dute erakunde interesdunek.

Bosgarrena. Laguntza emateko edo ukatzeko ebazpena banan-banan jakinaraziko zaie erakunde eskatzaileei, Administrazio Publikoen Administrazio Prozedura Erkidearen urriaren 1eko 39/2015 Legearen 41. artikuluan aurreikusitakoaren arabera.

Seigarrena. Deialdi hau ALHAOn argitaratzea.

Zazpigarrena. Ebazpen honek amaiera ematen dio administrazio-bideari, eta, beraren aurka, aukerako berraztertze errekurtsoa aurkez dakioke ebazpena eman duen organoari, hilabeteko epean, ebazpena argitaratu eta hurrengo egunetik aurrera, Administrazio Publikoen Administrazio Prozedura Erkidearen urriaren 1eko 39/2015 Legearen 123. artikuluan eta hurrengoetan, edo, bestela, bi hilabeteko epean administrazioarekiko auzi-errekurtsoa zuzenean jartzea Euskal

Autonomia Erkidegoko Justizia Auzitegi Nagusiko Administrazioarekiko Auzien Salan, Administrazioarekiko Auzien Jurisdikzioa arautzen duen uztailaren 13ko 29/1998 Legearen 8. eta 46.1 artikuluetan aurreikusitakoaren arabera.

Vitoria-Gasteiz, 2025eko ekainaren 4a

Kultura eta Kirol Saileko foru diputatua

ANA MARÍA DEL VAL SANCHO

Kultura zuzendaria

MARÍA INMACULADA SÁNCHEZ ARBE

I. ERANSKINA

ARABAKO LURRALDE HISTORIKOAN ETA TREBIÑUKO ENKLABEAN MUSEO JARDUERAK EGITEKO DIRULAGUNTZEN DEIALDIA. 2025. URTEA

1. artikulua. Deialdiaren xedea, helburua eta dirulaguntza emateko prozedura

Deialdi honen xedea da norgehiagoka bidez dirulaguntzak ematea, Arabako Lurralde Historikoan eta Trebiñuko enklabeen 2025ean kultura elkarte eta erakundeek sustatutako museo ekimenak egiten laguntzeko.

Bereziki, diruz lagundutako museo jarduerak genero ikuspegia barnean har dezaten sustatuko da, emakumeek ondareari eta kulturari egiten dizkieten ekarpenak ikusarazteko eta estereotipo eta aurreiritzi sexistak gainditzen laguntzeko.

Deialdi honek bat egiten du Foru Gobernu Kontseiluaren azaroaren 12ko 50/2019 Foru Dekretuarekin, zeinaren bidez onetsi baitziren Kultura eta Kirol Sailaren dirulaguntzak norgehiagoka bidez emateko oinarri orokorrak (martxoaren 2ko 7/2021 Foru Dekretuak aldatu zuen dekretu hori).

2. artikulua. Aurrekontu egozpena

Dirulaguntzen zenbateko osoa ezin izango da izan inoiz ere helburu horretara bideratu den zuzkidura baino gehiago, hau da, 10.000,00 euro baino gehiago. Zenbateko hori Arabako Foru Aldundiaren 2025eko ekitaldiko gastuen aurrekontuaren 70102. G/333700/48100723 "Museoen elkarteentzako dirulaguntzak" partidaren kontura ordainduko da.

Eskatzaile bakoitzeko esleitu beharreko dirulaguntzaren gehieneko zenbatekoa ez da 5.000,00 euro baino gehiago izango, sustatzen den programa edo jarduera kopurua zein den gorabehera.

3. artikulua- Erakunde onuradunak

Erakunde onuradun izan ahalko dira irabazteko xederik gabeko kultura elkarte eta entitate publiko nahiz pribatuak, legez eratuak, Araban edo Trebiñuko enklabeen badute sozietatearen egoitza edo ordezkaritza eta espazio geografiko horretan kokatutako museo edo museo izaerako zentro publiko edo pribatu batekin lotura zehatza badute; federazioetan elkartuta ere aurkez daitezke. Federazioetan, konfederazioetan edo antzekoetan elkartutako kultura elkarte eta entitateek ez dute nor bere aldetik edo beste entitate bateko kide gisa aurkezterik deialdi honetan. Egoera horrek automatikoki ekarriko luke egoera horrekin identifikatutako eskaera guztiak ez onartzea.

Ez dira onuradun izango Diputatuen Kontseiluaren azaroaren 12ko 50/2019 Foru Dekretuaren hirugarren klausulan jasotzen diren egoeretan dauden erakundeak. Dekretu horrek onetsi zituen Kultura eta Kirol Sailak norgehiagoka bidez emango zituen dirulaguntzak arautzeko oinarri orokorrak. Gainera, kanpoan geratzen dira honako erakunde hauek:

a) Kuadrillak, udalak, administrazio batzarrak, udal institutuak eta haietan sartuta edo haiei eratzikita dauden talde eta elkarteak.

b) Ganberak, kooperatibak, elkargoak, sindikatuak edo, oro har, merkatari, teknikari, langile eta profesional elkarteak, eta horiei eratzikitako, horietan sartutako edo horietatik sortutako talde eta elkarteak.

c) Kirol federazio, klub eta elkarteak.

d) Elkarteak, taldeak eta antzekoak, haien helburuen artean kultura jarduerak lehentasunik ez badute eta gauzatzen dituzten jarduerak kulturari buruzkoak ez badira.

e) Auzotarren elkarteak, gazte elkarteak, aisialdikoak, ikasleen elkarteak, ikasle ohien elkarteak, prestakuntza zentroetako ikasleen gurasoen elkarteak eta antzekoak.

4. artikulua. Diruz lagundu daitezkeen programak eta gastuak

Diruz lagundu ahal izango dira Arabako Lurralde Historikoko eta Trebiñuko enklabeko museo edo museo zentroen funtsak osatzen dituzten kultura ondasun higigarriak musealizatzea, ikertzea eta zabaltzea helburu duten jarduera programak. Zehazki, hauek lagunduko dira diruz: programa museografikoak gauzatzea, funtsak erakusteko eta interpretatzeko hobekuntzak egitea, funtsak katalogatzea eta funtsak babesteko eta kontserbatzeko beste jarduera batzuk (zaharberritze lanak izan ezik, horretarako beste deialdi batzuk baitaude) eta jarduera didaktikoak eta dibulgaziokoak garatzea (erakusketak, jardunaldiak, lantegiak, hitzaldiak eta web orriak edo beste garapen teknologiko batzuk) baldin eta horiek beren bildumak osatzen dituzten funtsekin edo haien ezagutzarekin eta ikerketarekin lotutako zientzia eta teknikekin zerikusi zuzena badute.

Diruz lagundu daitezkeen gastutzat hartuko dira inolako zalantzarik gabe diruz lagundutako jardueraren izaerarekin bat etorri, behar-beharrezkoak izan, merkatuko balioa gainditu ez eta 2025eko ekitaldian egiten direnak. Diruz lagundu daitezkeen gastuek diruz lagundutako jarduerarekin erabat lotuta egon beharko dute.

Ez dira diruz laguntzeko moduko gastutzat hartuko Arabako Lurralde Historikoko Dirulaguntzen urriaren 19ko 11/2016 Foru Arauaren 29. artikulua araberak berariaz kanpoan geratzen direnak, eta, bereziki, honako hauek:

a) Entitatearen mantentze, kudeaketa eta funtzionamendu gastu orokorrak.

b) Ondasun higigarriak eta higiezinak erosi, konpondu eta zaharberritzeko gastuak.

c) Bidaia, egonaldi, publizitate, ordezkaritza, protokolo eta opari gastuak eta antzekoak.

d) Musika animazioko ekintzek, musika emanaldi osagarriak edo laguntza ekintzek nahiz antzekoek eragindako gastuak.

e) Aisialdiko eta/edo entretenimenduko jarduerak eragindako gastuak.

f) Zeharkako zergak, baldin eta berreskuratu edo konpentsatu badaitezke (BEZaren kuota kengarria).

Erakunde onuradunak diruz lagundutako jardueraren zenbateko osoa azpikontratatu ahal izango du, betiere behar bezala justifikatzen bada eta erakunde eskatzaileko kideek zuzenean garatu ezin dituzten kontzeptuei erantzuten badie. Azpikontratazioa dagoela ulertuko da dirulaguntzaren xede den jarduera osorik edo zati batean hirugarrenekin hitzartzen duenean erakundeak. Kontzeptu horretatik kanpo geratzen da erakunde onuradunak dirulaguntza jaso duen jarduera bere kabuz gauzatzeko egin behar dituen gastuen kontratazioa.

Arabako Lurralde Historikoko Dirulaguntzen urriaren 19ko 11/2006 Foru Arauak 29.3 artikuluan ezarritakoa betez, diruz lagundu daitezkeen gastuaren zenbatekoa handiagoa bada sektore publikoko kontratuak xedatzen dituzten araudiek kontratu txikirako ezarritako zenbatekoa baino (40.000,00 euro baino gutxiago BEZik gabe, baldin eta obra kontratuak badira, edo 15.000,00 euro baino gutxiago BEZik gabe, baldin eta horniketa edo zerbitzu kontratuak badira), erakunde onuradunak eskaintza bana eskatu beharko die, gutxienez, hiru erakunde hornitzailei, zerbitzua edo ondasuna emateko konpromisoa beren gain hartu baino lehen, salbu eta, diruz laguntzeko diren gastuen ezaugarri bereziengatik, nahikoa enpresa ez badago zerbitzu edo hornidura hori eskaintzen duenik edo salbu eta gastua dirulaguntza eskatu baino lehen egin bada.

Aurkeztutako eskaintzak dirulaguntzaren frogagiritan edo, hala badagokio, dirulaguntza eskaeran azaldu beharko dira. Horien artean aukeratzea eraginkortasun eta ekonomia irizpideei jarraituz egingo da eta, aukeratutako eskaintza diru aldetik hoberena ez denean, egindako aukera espresuki arrazoitu beharko da memoria batean.

5. artikulua. Eskaerak aurkeztea

1. Administrazio Publikoen Administrazio Prozedura Erkidearen 39/2015 Legearen 14.2 artikuluan xedatutakoa betez, erakunde eskatzaileak behartuta daude eskaera telematikoki aurkeztera, egoitza elektronikoa erabilgarri dagoen berariazko izapidearen bitartez.

Aurkezpena telematikoki egiteko, erakunde eskatzaileek ziurtagiri elektronikoa izan behar dute alde aurretik. Egoitza elektronikora sartzeko bideak zein diren eta entitate ziurtatzaile baten jaulkitako ziurtagiri elektronikoa non eskatu behar den jakiteko, jo "Laguntza-Nola sartu" izeneko atalera.

2. Kultura eta Kirol Sailak egiaztatuko du erakunde eskatzaileak Ogasunarekiko eta Gizarte Segurantzarekiko betebeharrak egunean izateko baldintzak betetzen dituela, salbu eta erakundeak horren aurka egiten badu. Baldin eta erakunde eskatzailea egiaztapen horren aurka badago, egitate horiek egiaztatzen dituzten agiriak aurkeztu beharko ditu, 39/2015 Legearen 28.2 artikulua arautzen duen bezala (Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoak aldatua, azken xedapenetatik hamabigarrenean).

6. artikulua. Eskaerarekin batera aurkeztu beharreko agiriak

Eskaerarekin batera agiri hauek aurkeztu behar dira:

a. Jardueraren proiektua, banan-banan hauen gaineko azalpenak emanez:

— Garatu beharreko jardueren deskribapena, lortu nahi diren helburuak argi adierazita.

— Aurkeztutako ekimenak kudeatzeko dauden baliabideak: giza baliabideak, baliabide materialak eta azpiegiturak.

b. Erakundearen ibilbidea jasotzen duen agiria, non elkartearen ibilbidean egindako jarduerak, ekimenak edo garatutako proiektuak eta abar azaltzen diren, eta noiz egin diren adierazten duten datak.

c. Jardueren aurrekontu xehatua. Eskatzaileak adierazi beharko du beste erakunde edo entitate publiko edo pribatu batzuei zein laguntza eskatu dizkien eta zein ekarpen propio dituen.

7. artikulua. Eskaerak aurkezteko epea

Eskaerak aurkezteko epea hogeita egun baliodunekoa izango da, deialdi hau ALHAOn argitaratu eta hurrengo egunetik aurrera.

8. artikulua. Eskaerak zuzendu edo hobetzea

1. Eskaerak osorik bete ezean edo ebazpen honetan eskatutako agiriren bat falta izanez gero, interesdunari eskatuko zaio falta diren datuak eta nahitaezko agiriak aurkezteko hamar egun balioduneko epean. Era berean, jakinaraziko zaio, horrela egin ezean, eskaerari uko egin diola ulertuko dela, eta, beraz, eskaera artxibatu egingo dela, kasuan kasuko ebazpena eman ondoren.

2. Nolanahi ere, aurkeztutako eskaerak behar bezala ulertzeko eta ebaluatzeko behar dituen informazio osagarri guztiak eskatu ahal izango ditu Kultura eta Kirol Sailak.

9. artikulua. Balioespen irizpideak

Eskaerak baremo eta balioespen irizpide hauen bidez baloratuko dira:

a) Programak zenbatean laguntzen duen Arabako kultura ondarea hedatzen eta sustatzen. Gehienez 30 puntu.

— Proposamenak alderdi honetan duen interesa eta kalitatea balioetsiko da, bai eta kulturen eta gizartearen duen eragina eta museoarekin edo zentroarekin duen lotura maila ere: 10 puntu, gehienez.

— Emakumeek sortutako edo emakumeak protagonista dituen ondarea ikusarazten duten jarduerak, memoria soziala egitea eta berreraikitzea bultzatzen dutenak, bai eta memorializazio prozesuak ere, genero ikuspegitik: gehienez, 10 puntu.

— Proposatutako jarduera motarengatik gehienez beste 10 puntu emango dira, baremo honen arabera:

- Erakusketak (gehienez 5 puntu erakusketa bakoitzeko).
- Jardunaldiak (gehienez 3 puntu jardunaldi bakoitzeko).
- Lantegiak (gehienez 2 puntu lantegi bakoitzeko).
- Hitzaldiak (gehienez 2 puntu hitzaldi bakoitzeko).
- Web orria edo beste garapen teknologiko batzuk (gehienez orrialde edo garapen bat; 10 puntu, gehienez).

b) Programak zenbatean laguntzen duen museoak edo museo zentroak hobetzen. Gehienez 30 puntu.

— Proposamenak puntu honetan duen interesa eta kalitatea balioetsiko da (10 puntu, gehienez), eta kulturen eta gizartearen duen eragina (5 puntu, gehienez).

— Proposatutako jarduera motarengatik gehienez beste 15 puntu emango dira, baremo honen arabera:

- Proiektu museografikoak gauzatzea eta hobetzea (gehienez 15 puntu proiektu bakoitzeko).
- Funtsak katalogatzea (gehienez 5 puntu katalogazio proposamen bakoitzeko).
- Ondarea babesteko eta zaintzeko jarduerak (ondasunak zaharberritzea kenduta, gehienez ere 5 puntu proiektu bakoitzeko).

c) Programaren kostuaren eta erakunde eskatzaileak bere gain hartzen duen zatiaren arteko erlazioa. Gehienez 10 puntu.

— Erakundeak ez badu programaren kosturik bere gain hartzen: 0 puntu.

— Programaren kostuaren ehuneko 25eraino ordaintzen badu: 2 puntu.

— Programaren kostuaren ehuneko 25etik 50eraino ordaintzen badu: 5 puntu.

— Programaren kostuaren ehuneko 50 baino gehiago ordaintzen badu: 10 puntu.

d) Dirulaguntza eskatzen duen erakundearen ibilbidea eta jarduera. Irizpide honek laguntza-
ren xede diren jardueren edizio kopurua balioetsiko du. Gehienez 10 puntu, garatutako jarduera
egin den urte bakoitzeko puntu bat.

e) Zeharka balioetsi beharreko beste irizpide batzuk. Gehienez 20 puntu.

— Euskara erabiltzea programaren garapenean Gehienez 5 puntu, honela banatuta:

• Programan euskararen erabilera sustatzeko helburu eta ekintza espezifikoak sartzeari. Gehienez 3 puntu.

• Euskara erabiltzea programaren garapenean Gehienez 2 puntu.

— Ezberdintasunak ezabatzeko eta emakumeen eta gizonen berdintasuna sustatzeko neurriak. Gehienez 5 puntu, honela banatuta:

• Programan sartzeari emakumeen eta gizonen arteko desberdintasunak ezabatzeko eta berdintasuna sustatzeko helburu eta ekintza espezifikoak. Gehienez 3 puntu.

• Emakumeen kontratazioa eta parte-hartze profesionala programa gauzatzean. Gehienez 2 puntu.

— Programan tolerantzia, gizarte inklusioa eta kultura aniztasuna sustatzen dituzten helburuak eta ekintzak sartzea. Gehienez 5 puntu, honela banatuta:

- Pertsona eta talderik zaurgarrienei arreta berezia ematen dieten programak, pertsona eta talde horiei jardueretan sartzeko eta parte hartzeko aukera ematen dieten ekintza espezifikoak bidez. Gehienez 3 puntu.

- Tolerantzia, gizarte inklusioa eta kultura aniztasuna nabarmentzen dituzten mezuak zabaltzen dituzten programak. Gehienez 2 puntu.

— Ingurumen irizpideak: ingurumen hezkuntza sustatzearekin lotutako ekintza espezifikoak. Gehienez 5 puntu.

Dirulaguntza emateko proposamenean, irizpide guztietan lortutako puntuazioan gutxienez 50 puntuko balioespena lortzen duten eskaerak bakarrik sartuko dira.

Lortutako puntuaren batuketak guztirako kopuru bat izango du emaitza, eta azalduko den eskalara ekarrita, esleitu beharreko dirulaguntza ehunekoa adieraziko du, dirulaguntza kalkulatzeko aurrekontua oinarritzat hartuta: Dirulaguntzaren muga, puntuazioaren eta oinarritzko aurrekontuaren arabera dagozkien ehunekoak alde batera utzita, eskatutako zenbatekoa da.

PUNTU KOPURUA	DIRULAGUNTZAREN EHUNEKOA (%)
0 - 49	0
50 - 75	75
76 - 100	100

Balioespen handiena lortu duten entitateei emango zaie dirulaguntza, betiere deialdian ezarritako aurrekontuko zuzkiduraren zenbatekoa gainditu gabe. Puntuazioetan berdinketa gertatuz gero, a, b eta c ataletan puntuaziorik handiena duen proposamenari emango zaio lehentasuna, hurrenkera horretan.

10. artikulua. Organo eskudunak eta ebazpena

1. Arabako Foru Aldundiko Kultura eta Kirol Saileko Museo eta Arkeologia Zerbitzua izango da prozeduraren instrukziorako organo eskuduna.

2. Eskaerak balioespen batzorde batek aztertuko ditu. Honela osatuta egongo da:

— Batzordeburua: Kultura zuzendaria edo hark eskuordetutako pertsona.

— Bokalak: Museo eta Arkeologia Zerbitzuaren burua edo hark eskuordetutako pertsona eta Kultura Zuzendaritzako bi teknikari.

— Idazkaria: Kultura eta Kirol Saileko Idazkaritza Teknikoko Zerbitzuaren burua edo hark eskuordetutako pertsona; hitza izango du, baina botorik ez.

Aurkeztutako eskaerak deialdian ezarritako irizpideen arabera alderatu ondoren, balioespen batzordeak txostena egingo du ebaluazioaren emaitza jasotzeko, eta, beharrezkoa bada, eskaeren arteko lehentasuna ezarriko du.

3. Eskatzaileei ez zaie entzunaldiko izapiderik egingo, zeren eta, ebazpena ematean, erakunde eskatzaileek aurkeztutako gertaerak eta agiriak baino ez baitira aintzat hartuko.

4. Arabako Foru Aldundiko Kultura eta Kirol Saileko diputatuak izango du deialdia ebazteko eskumena, instrukzio organoak proposatuta.

5. Organo eskudunak, Museo eta Arkeologia Zerbitzuaren proposamena aztertu ondoren, dagokion ebazpena emango du, gehienez ere lau hilabeteko epean, deialdia ALHAOn argitaratzen denetik aurrera. Epe horretan esanbidezko ebazpenik ematen ez bada, esan nahiko du eskaera ezetsi egin dela.

6. Esleipen ebazpenean zer erakunderi eman zaion dirulaguntza zehaztu behar da, eta berriaz adierazi behar da gainerako eskaerak ezetsi direla. Ebazpenean, baiezkkoa bada, datu hauek agertuko dira: dirulaguntzaren zenbatekoa, ordaintzeko modua, eraginpeko programa edo jarduera, aurkeztu beharreko agiriak eta zein baldintzatan ematen den dirulaguntza.

7. Laguntza eman edo ukatzen duen ebazpenaren berri emango zaie entitate eskatzaileei banan-banan, bat etorritik Administrazio Publikoen Administrazio Prozedura Erkidearen urriaren 1eko 39/2015 Legeak 41. artikuluan arautzen duenarekin.

11. artikulua. Esleitutako dirulaguntzak ordaindu eta justifikatzea

1. Ordainketa honela egingo da:

— Emandako dirulaguntzaren zenbatekoaren ehuneko 60, justifikatu beharreko aurrerakin moduan, esandako ebazpenaren datatik aurrera ordainduko da.

— Gainerakoa ordainketa bakarrean ordainduko da, dirulaguntza justifikatu ondoren. Guztizko gastuen justifikazioa aurkezteko epea 2025eko abenduaren 12an amaituko da. Oro har, diruz lagundutako programa amaitu ondoren, justifikazio agiriak aurkeztu eta dirulaguntza kobratzeko eskatu ahal izango da, justifikazioa aurkezteko gehieneko epea amaitu arte itxaron behar izan gabe. Hori izango da modu operatibo egokia dirulaguntza kobratzeko epeak arintzeko.

Dirulaguntza justifikatzeko aurkeztutako gastuak ordaindu izana frogatzen ez bada, justifikatu beharreko aurrerakin gisa ordainduko da dirulaguntza. 2026ko otsailaren 27rako aurkeztu beharko dira, beranduenez, dirulaguntza justifikatzeko gastuak ordaindu izana egiaztatzeko agiriak.

2. Dirulaguntzen justifikazioa bat etorriko da Kultura eta Kirol Sailaren dirulaguntzak emateko oinarri orokorrak onetsi zituen Foru Gobernu Kontseiluaren azaroaren 12ko 50/2019 Foru Dekretuaren 11. artikuluan xedatutakoarekin (Foru Gobernu Kontseiluaren martxoaren 2ko 7/2021 Foru Dekretuak aldatu zuen foru dekretu hori).

Entitate onuradunak egindako justifikazioa justifikazio kontu erraztutzat hartuko da, zeina Dirulaguntzei buruzko azaroaren 17ko 38/2003 Lege Orokorraren erregelamendua onesten duen uztailaren 21eko 887/2006 Errege Dekretuaren 75. artikuluan eta 50/2019 Foru Dekretuaren 11.3 artikuluan arautu baita.

Justifikazio kontu erraztuak honako informazio hau jaso behar du:

a) Jardueraren memoria, dirulaguntza ematean ezarritako baldintzak bete direla justifikatzen duena eta burututako jarduerak eta lortutako emaitzak adierazten dituen. Sexuaren arabera banakaturako informazioa eman beharko da diruz lagundutako jardueren azken onuradun edo erabiltzaileei buruz, emakumeen eta gizonen partaidetzan dauden aldeak ikusarazi ahal izateko, bai eta erakundearen titularrenak eta plantillarenak ere, eta, hala badagokio, dirulaguntzaren xede den zerbitzua emateko kontratatu den erakundearen plantillarenak ere bai. Gutxienez II. eranskineko atalak jaso beharko ditu.

b) Jardueraren gastu guztien zerrenda sailkatua, hau da, jardueraren aurrekontu osoa; zerrendan jarri beharko dira hartzekoduna, gastuen agiria edo faktura, zenbatekoa, jaulkipen data eta, hala badagokio, ordainketaren data. Informazio hori III. eranskinean jasoko da.

Gainera, fakturak edo jatorrizko agiri baliokideak aurkeztu beharko dira, baldin eta, baina edo multzoka, gastu kontzeptu bererako, eta hirugarren edo hornitzaile berarekin lotuta, 1.000,00 euro gainditzen badute (BEZa aparte), eta haiek ordaindu izanaren frogagiriak.

c) Diruz lagundutako jarduera finantzatu duten bestelako diru sarreraren eta dirulaguntzen xehetasunak, zenbatekoa eta jatorria adierazita.

Organo izapidegileak egokitzen jotzen dituen dokumentu, argibide, frogagiri eta faktura guztiak eskatu ahal izango dizkie entitate onuradunei, dirulaguntza dagokion xederako erabili dela egiaztatzeko.

Ez da onartuko eskudirutan ordaintzea 2025eko ekitaldirako indarreko araudian ezartzen den zenbatekoa edo hortik gorakoa, edo haren kontrabalia atzerriko dirutan. Adierazitako zenbateko hori kalkulatzeko, eta ondasunak entregatzea edo zerbitzuak ematea zatika egin bada, zati guzti horien zenbatekoak batuko dira.

3. Bat etorri Dirulaguntzak justifikatzean baliabide elektronikoen, informatikoen eta telematikoen erabilera arautzen duen uztailaren 17ko EHA/2261/2007 Aginduan xedatutakoarekin, dirulaguntzak justifikatzeko erabili ahal izango dira faktura elektronikoak.

Factura-e motako estandarren arabera izan beharko da faktura elektronikoen formatua. Sinadura elektronikoa duen beste edozein agiri aurkeztekotan, konfiantzazko zerbitzu elektronikoen emaile kualifikatuen konfiantzazko zerrendan jasotako ziurtagiriak onartuko dira (<http://sede.minetur.gob.es/Prestadores>).

4. Adierazitako epealdian aipatutako dokumentazioa aurkezten ez bada, ordainketa kredituak baliogabetuko dira, eta justifikatu beharreko aurrerakin gisa jasotako diru kopuruak itzultzeko espedientea abiaraziko da.

12. artikulua. Bateragarritasuna beste dirulaguntza batzuekin

1. Deialdi honetako dirulaguntzak bateraezinak izango dira Arabako Foru Aldundiko Kultura eta Kirol Sailak helburu berberetarako sustatutako esku-hartzeetarako emandakoekin.

2. Deialdi honetan arautzen diren dirulaguntzak bateragarriak dira xede bererako bestelako administrazio edo erakunde publikoek zein erakunde pribatuak (estatukoek, Europar Batasunekoek zein nazioartekoek) ematen dituzten dirulaguntzekin, laguntzekin, sarrerekin eta baliabideekin.

3. Deialdi honetan araututako dirulaguntzen zenbatekoak, bakarka hartuta edo beste administrazio publiko batzuen edo beste entitate publiko edo pribatu batzuen dirulaguntzekin edo laguntzekin batera, ezingo du inola ere gainditu sortutako gastuen kostua.

4. Onuradunak jakinarazi egin beharko dio laguntza ematen duen organoari helburu bere-rako beste dirulaguntzarik edo laguntzarik eskuratu duen edo eskuratzeko eskaerarik egin dion estatuko nahiz nazioarteko beste edozein administrazio edo erakunde publikori edo edozein entitate edo erakunde pribaturi.

13. artikulua. Eskaerak birformulatzea

1. Dirulaguntzaren xedea entitate eskatzaileak egin beharreko jarduerak finantzatzea denean, eta ebazpen proposameneko dirulaguntzaren zenbatekoa aurkeztutako eskaeran ageri den zenbatekoa baino txikiagoa bada, entitate onuradunari bere eskaera birformulatzeko eskatu ahal izango zaio, konpromisoak eta baldintzak eman daitekeen dirulaguntzari egokitzeko.

2. Eskaerak birformulatzean, betiere, dirulaguntzaren xedea, baldintzak eta helburua errespetatu beharko dira, bai eta eskaerak balioesteko ezarritako irizpideak ere.

14. artikulua. Betebehar osagarriak

Deialdi honetan araututako dirulaguntzen erakunde onuradunek hitzematen dute hauexek egingo dituztela:

a) Laguntza emandako xede zehatzerako erabili beharko da.

b) Arabako Foru Aldundiak egindako egiaztatze jarduketak onartu beharko dituzte, bai eta finantza kontrolak edota kontu hartzaileak egin beharrekoak ere eta Herri Kontuen Euskal Epaitegiaren arauetan jasotakoak.

c) Aldundiaren Kultura eta Kirol Sailarekin lankidetzan jardutea hala eskatzen zaienean, eta erakundearen esparruari buruzko edozein informazio ematea (azterlanak, inkestak, datu estatistikoak, etab.).

d) Aplikatzekoa den araudia betetzea.

e) Dirulaguntzen onuradunek argi eta garbi adierazi beharko dute Arabako Foru Aldundiko Kultura eta Kirol Sailaren laguntza dutela, diruz lagundutako programa edo jarduera dela eta argitaratzen dituzten programen aleetan, iragarki karteletan, argazkietan eta gainerako material grafikoan, idatzi zein entzunezkoetan. Era berean, bermatu egingo dute agiri guztietan hizkuntza eta irudi ez sexistak erabiliko direla.

f) Jarraibide hauek bete beharko dituzte, euskararen presentzia eta jardueren hartzaileen hizkuntza eskubideak bermatzeko:

– Bi hizkuntza ofizialetan argitaratuko dira diruz lagundutako jarduera edo ekitaldiari zabalik emateko liburuxkak, kartelak nahiz beste edozein euskarri. Euskara hutsean argitaratu ahal izango dira jarduera edo ekitaldiaren helburua euskararen sustapena bada.

– Diruz lagundutako jarduera edo ekitaldia zein hizkuntzatan izango den zehaztuko da hura zabaltzeko liburuxketan, karteletan nahiz beste edozein euskarritan.

– Diruz lagundutako jarduera edo ekitaldietan euskararen erabilera bermatu beharko da, gutxienez, aurkezpenetan eta agurretan; lehenengo euskaraz egingo da, eta gero gaztelaniaz.

– Diruz lagundutako jarduera edo ekitaldiaren hartzaileak haurrak edo gazteak badira, dirulaguntzaren onuradunek euskaraz zein gaztelaniaz egiteko aukera bermatu behar diete parte hartzaile horiei.

– Dirulaguntzaren onuradunek jarduera edo ekitaldia zein hizkuntzatan egin den adierazi beharko dute, dirulaguntza justifikatzean.

15. artikulua. Itzulketa

1. Deialdian edo Arabako Lurralde Historikoko Dirulaguntzen urriaren 19ko 11/2016 Foru Arauaren 35. artikuluan eta aplikatu beharreko gainerako araudian ezarritako betebeharren bat edo batzuk betetzen ez direnean, jasotako dirulaguntza eta dagozkion berandutze interesak itzuli beharko dira.

2. Diruz lagundutako jardueraren kostuari dagokionez, gehiegizko finantzaketa ere itzulazteko arrazoi izango da.

16. artikulua. Publizitatea

Deialdi hau ALHAOn argitaratuko da.

Arabako Foru Aldundiaren web orrian ere jarriko da ikusgai: www.araba.eus.

17. artikulua. Araudia

Honako hauek arautuko dute deialdi hau:

– 38/2003 Lege Orokorra, azaroaren 17koa, Dirulaguntzena.

– 887/2006 Errege Dekretua, uztailaren 21ekoa, Dirulaguntzei buruzko azaroaren 17ko 38/2003 Lege Orokorraren Erregelamendua onesten duena.

– 11/2016 Foru Araua, urriaren 19koa, Arabako Lurralde Historikoko Dirulaguntzei buruzkoa.

– 3/2023 Foru Arau Orokorra, urtarrilaren 25ekoa, Dirulaguntzena.

– Ekitaldi honetarako indarrean dagoen Aurrekontua Gauzatzeko Foru Araua.

– 39/2015 Legea, urriaren 1ekoa, Administrazio Publikoen Administrazio Prozedura Erkidearena; eta aplikatzekoa den gainerako araudia.

– 3/2025 Foru Dekretua, otsailaren 4koa. Onespina ematea Arabako Foru Aldundian hizkuntza ofizialak erabiltzeko irizpideei.

- 3/2007 Lege Organikoa, Emakumeen eta Gizonen berdintasun Eragingarrirakoa.
- 1/2023 Legegintzako Dekretua, martxoaren 16koa, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duena.
- Aplikatu beharreko beste edozein.



ARABAKO LURRALDE HISTORIKOAN ETA TREBIÑUKO ENKLABEAN MUSEO JARDUERAK GARATZEKO DIRULAGUNTZAK / SUBVENCIONES PARA EL DESARROLLO DE ACTIVIDADES MUSEÍSTICAS EN EL TERRITORIO HISTÓRICO DE ÁLAVA Y ENCLAVE DE TREVIÑO

Eskatzailea /
Solicitante

[illegible]

<https://e-s.araba.eus/wps/portal/ConsultaCove>

fcDS-PN7I-YjRR-LZW8





Justifikazio kontu sinplifikatua. III eranskina
Cuenta Justificativa Simplificada. Anexo III

[illegible][illegible]



[illegible]



Arabako Foru
Aldundia
Diputación
Foral de Álava

www.araba.eus

Ekintzen memoria. II. eranskina
Memoria de actuación. Anexo II

ARABAKO LURRALDE HISTORIKOAN ETA TREBIÑUKO ENKLABEAN MUSEO JARDUERAK GARATZEKO X DIRULAGUNTZAK / SUBVENCIONES PARA EL DESARROLLO DE ACTIVIDADES MUSEÍSTICAS EN EL TERRITORIO HISTÓRICO DE ÁLAVA Y ENCLAVE DE TREVIÑO

Eskatzailea /
Solicitante

EGINDAKO JARDUEREN DESKRIBAPENA / DESCRIPCIÓN DE LAS ACTIVIDADES DESARROLLADAS

HELBURU OROKORRAK ETA ESPEZIFIKOAK BETETZEA / CUMPLIMIENTO DE OBJETIVOS GENERALES Y ESPECÍFICOS

HIZKUNTZA-HELBURUAK BETETZEA / CUMPLIMIENTO DE OBJETIVOS LINGÜÍSTICOS

BERDINTASUN-HELBURUAK BETETZEA / CUMPLIMIENTO DE OBJETIVOS DE IGUALDAD

TOLERANTZIA-, INKLUSIO- ETA ANIZTASUN-HELBURUAK BETETZEA / CUMPLIMIENTO DE OBJETIVOS DE TOLERANCIA, INCLUSIÓN Y DIVERSIDAD

INGURUMEN HELBURUAK BETETZEA / CUMPLIMIENTO DE OBJETIVOS MEDIOAMBIENTALES

PUBLIZITATE-BETEBEHARRAK BETETZEA / CUMPLIMIENTO DE LAS OBLIGACIONES DE PUBLICIDAD

Egitarazleak: Iratxe Arriola, Iratxe Arriola, Iratxe Arriola
<https://e.s.araba.eus/portal/ConsultacOre>

Egitaspen kodea Código de verificación
3QHJ-WDPW-Bbbs-eGHE



* Memoria honekin batera, diruz lagundutako programa edo jardueraren dokumentazio grafikoa, fotografikoa edo ikus-entzunezkoa erantsi behar da (programak, iragarki kartelak, liburuxkak, argazkiak, bideoak edo antzekoak).

* Junto con esta memoria, se ha de adjuntar documentación gráfica, fotográfica o audiovisual del programa o actividad subvencionada (programas, carteles anunciadores, folletos, fotografías, videos o similares).

Arabako Foru
Aldundia
Diputación
Foral de Alava

[illegible]